

B. N. C  
FIRENZE  
1009  
7





1009.7



1009+

D. O. M. A.

DISSERTATIONES  
PHILOSOPHICÆ,  
ET MEDICÆ

A IVLIO BARGELLINIO

*Florentino, in Almo Pisano Gymnasio*

*Extraordinarijs diebus Medicina*

*Lectore, & Rudi Academ.*

*Publicè exposita.*



1. The first of these is the fact that the  
 2. the second is the fact that the  
 3. the third is the fact that the  
 4. the fourth is the fact that the  
 5. the fifth is the fact that the  
 6. the sixth is the fact that the  
 7. the seventh is the fact that the  
 8. the eighth is the fact that the  
 9. the ninth is the fact that the  
 10. the tenth is the fact that the



PERILLVSTRI

AC REVERENDISS<sup>MO</sup>  
D. D. BARNABAE  
DE ODDIS

Patritio Perusino, Castri Lisciani Domino S. Mi-  
niati Abbati S. Mariæ Nouæ Nosocomei  
Commendatori.

IVLIVS BARGELLINIVS F. D.



ERENNE sui nominis mo-  
numentum nobilissimumq; lau-  
dis fructum, facile consequi po-  
test, qui se in Viri genere insignis  
dignitate conspicui, animi viri-  
tute, ac laudabilium facinorum,  
memoria, celeberrimi gratiam in-  
sinuet, atque ipsum in munere

literario sibi velut proprium numen assumat: Quo ego de-  
siderio excitus Te vnum per Hetruriæ auras, & ora voli-  
tantem præmensus sum amplissimum in quo excurrat  
oratio mea campum, & vberriam ubi gloriola mea  
ditetur segetem, atque materiam. Verum Reuerendiss.



Antistes hucusque animi potius amantis quam prudentis  
effrenatione nimium ausus, nimium pollicitus fui. Nam  
merita quidem tua eatenus ubiq; effulgere videntur, ut  
aciem mentis mea perstringant, epistolarem stylum tran-  
scendant, omnemq; animi vigorem eneruent: quapropter  
ille paulo ante obortus impetus refugit, horret, illaq; auda-  
cia in tanto molimine, mo-lò pallefcit; calamus verò dum  
tuos honores effari reformidat, eos omninò ineffabiles con-  
fiteatur. Insigne vñum hoc factum ceterorum, tanquam  
præconium in chartis, in marmore, in ere sama quidem in-  
scribat, SERENISS. NOSTRI PRINCIPES, qui  
non minori providentia, quam potestate, nos quasi Dii mo-  
derantur, Te solum sacro huius florentissima Urbis Thea-  
tro, vbi pietas in Homines, Religio in Deum, rerumq; ter-  
restrium, atq; ælestium ius, & dispensatio exercenda fo-  
ret Præfectum statuerunt. Hic ( Multa, eaq; præcla-  
ra omnia prætereo) AEdificia ita magnificè auxisti, & or-  
nasti, ut istud Augusti dictum meritò usurpare possis:  
Vrbem lateritiā reperi, relinquo marmoreā.  
Tu ergo licet tantus talisq; Vir existas nè quæso hanc  
Epistolam, tum meæ seruitutis prænuntiam, tum etiam hoc  
munusculum quæstiunculas s. has Physicas, atque Medicas  
tuo nomini dicatas, elargientem auerferis. Parua occasio,  
minor largitio, minima facultas, magnum verò in me desi-  
derium, quàmvis summum in te ipso meritum. Magnanimi-  
tatem imploro tuam, ut in aggressione confidentiam excu-  
set, & paruitate adimittat affectum.



B D A L V S interrogatus, quid  
in hoc Mundo maximè admi-  
randum se offerret, Hominem  
respondit. Et Plato cum mira-  
culū miraculorum indigitavit.  
Vnde Oraculo admonemur, no-  
smetipsos noscere Nihil enim  
in tū dicto usque inuenire est,  
quod mixtiorum Homo s. in se

non contineat, atque exhibeat. Hunc itaq; noscendum  
proponimus, quantum nostri instituti est, & ut mixtum si-  
milare, & ut mixtum animatum?

- 2 Ac Hominem ut mixtum simile primò considerabimus,  
quia proficiētem maximè intendimus, de quo loquitur  
Arist. 4. Meteor.
- 3 Cuius affectiones, & patēmata propria pendēt partim  
ab actiuis qualitatibus, partim à passiuis?
- 4 Sunt autem qualitates actiue calidum, & frigidum, passi-  
uū verò humidum, & siccum: propterea hz sunt termi-  
nantes, copulantes, & transmutantes, ille verò terminatæ,  
& patientes?
- 5 Et prius de proprietatibus actiuarum, deinde passiuarum  
agamus: sunt autem præcipuè generatio, & putredō?
- 6 Quarum primam dicimus esse transmutationem prima-  
rum qualitatū, cum habeant rationem ex subiecta  
materia?
- 7 Altera verò est corruptio eius, quæ in vnoquoquē humi-  
do propriè, & secundum naturam caliditatis ab aliena ca-  
liditate. His famulantur concoctio, & inconcoctio?
- 8 Est ergo concoctio perfectio à natura ex proprio calido ex  
oppositis passiuis, cuius species sunt Maturatio, Elixatio,  
& assatio?
- 9 Maturatio autem est concoctio quedam eius alimoniz,  
qualis in arborum fructibus est?
- 10 Elixationem verò dicimus esse concoctionem secundum  
totum à caliditate humida in existentibus terminatis in  
humido?
- 11 Assatio deniq; est concoctio à caliditate sicca, & aliena?
- 12 Inconcoctio verò est imperfectio propter indigentiam  
propriæ

Ex pri-  
mis quali-  
tatibus,  
quæ acti-  
uæ, quæ  
verò pas-  
siuæ dicū-  
tur.

Genera-  
tionis. &  
putred-  
inis defini-  
tio.

Conco-  
ctionis  
species,  
quæ sint.

propriz caliditatis : Inconcoctionis species sunt cruditas, inquinatio, & tostio?

13 Cruditas est inconcoctio alimenti, quod in arborum fructibus continetur?

14 Inquinatio verò indigestio, facta propter indigentiam siccz caliditatis?

15 Tostio tandem est inconcoctio facta à caliditate externa evanescente humido?

16 At omisiss quę à qualitatibus passivis proveniunt scilicet duritie, mollitie, necnon earum speciebus, & quo pacto differant similia mixta per passiones, & differentias, per qualitates passivas illis competentes, ad Hominis considerationem, quatenus Animatus est, deveniemus?

17 Cuius absoluta tractatio in ea parte Philos expletur, quę animastica nuncupatur.

18 Verum quia cognitio hæc præcipuè pendet à principio formali, idè omnibus alijs demissis ad Hominis formam enucleandam accedimus; quam sanè Animam esse dicimus, cum sola sit actus corporis organici potentia vitam habentis?

19 An verò hæc ipsa nullibi sit, an alicubi ambigimus, nam tueri possumus totam esse in toto corpore, & partem in parte, ac tandem nequè totam in toto, nequè partem in parte?

20 Sed ea, quę & qualitercumque sit, facit Hominem inter alia animantia principatum obtinere, & ipsum denique inesse constituit, cum corporis animati principium sit, ut constituens. Cuius conservatio propter eiusdem operationes est exquirenda, & quia id medicę facultatis munus esse videtur, idè hanc ipsam aggrediamur?

21 Quæ Medica facultas an ars, vel scientia sit ambigitur; ad artium tamen genus nos potius hanc reducendam esse arbitramur, quia multa ex artis natura mutuatur alioquin mixtam esse facultatem dicere possumus ex scientia nimirum, & arte?

22 Pura enim scientia esse non potest, quia licet demonstrationibus aliquo pacto utatur, tamen non per se, & absolute demonstrat, sed in gratiam alterius, idque duabus hisce potissimum rationibus confirmari videtur, nam scientia

text.

*Quæ sit  
Hominis  
forma.*

*Medicina  
an ars, vel  
scientia sit.*

text. Arist. 6. Methaph: *Ab arte distinguitur primum sine, secundò ratione subiecti.* Finis enim scientiæ est speculati, artis verò operari, scientia est in intellectu speculatiuo tanquam in subiecto, ars autem in intellectu pratico. Artem ergo potius esse dicimus, quia eius principium aliquod in Artifice consistit, finemque artis habet nempe opus?

23 Sed cum artes aliæ factiue sint, aliæ actiue, inter factiuas medicam facultatem esse numerandam censemus, utque opus post actionem, hoc est sanitatem relinquat,

24 Et quia rursus factiue Artes, vel nouum opus conficiunt, vel factum refarciunt, eam tamquam Naturæ famulam, sanitatem restaurare, & imminentes morbos præcauere asserimus?

25 Medicinæ verò subiectum Corpus Humanum sanitati restituendum, vel in eadem conseruandum, esse putamus: Non enim corpus Humanum, quod in alijs artibus, & scientijs consideratur, peculiare huius facultatis subiectum sibi vindicaret, nisi sanitatis terminò coarctaretur?

*Medicina  
subiectum.*

26 At quia propositi subiecti conseruationem, quam maxime cupimus, & tam diu corpus humanum salubre sit, quousque membra solida humores, & spiritus in ipso naturaliter disposita permanerint, & Alterationes omnes quæ morbos pariunt, aut in membris solidis, aut in spiritibus reperiuntur, ideo de his omnibus agemus?

27 Cumque solida membra nobis in primis se se offerant, eadem prius enucleabimus, quæ omnia bifariam diuidi asserimus in similia nimirum, & dissimilia?

28 Ex quibus similia quidem decennario numero, si ea propriè, & stricto modo consideremus absolui putamus, nam os, Caro, Cartilago, Vinculum, Tendo, Vena, Arteria, & Neruus hæc omnia sunt?

*Similia  
res par-  
tes quæ,  
& quos  
numero  
sint.*

29 Et licet ab aliquibus nonnulla in similiarium numero reponantur, veluti semen, Lac, Vngues, Dentes, Medullam, & Adipem, hoc tamen nobis negocium non facessit, quia etiam si sub generali noctione similiarium partium contineantur quatenus scilicet earundem est totius, & partium comunis ratio, nihilominus proprio, & stricto loquendi modo partes verè non sunt, nam si pars ea dicitur, uti ex Gal habemus, *quæ corpus est, toti coheret, & comuni visa, fruuntur,*

De semi-  
ne an ve-  
rè pars ip-  
se sit.

fruitur, utique semen pars non erit, quandoquidem ex Aristot. sententia libro secundo de Animalibus cont. 10. Excrementum vocentur, ac potestate non actu anima: um dicatur.

De Lacte.

30 Eandem de Lactationem esse dicimus, cum nil aliud sit lac, ut testatur Arist. 4. de ortu Animal. cap. 16. *Quam altera sanguinis pars magis concocta.* Sanguis autem nec ipse verè corporis pars sit?

De Pilis,  
& Vnguibus.

31 De Pilis, & Vnguibus videtur aliqua difficultas, cum hæc omnia sensibilibiter augeri videantur, sed facillè tollitur, quandoquidem isthæc nullo pacto verè producantur, quemadmodum membra propriè dicta ex alimento intrus attracto, cum hæc partes attrahit, retentrix, concoctrix, & expultrice facultate sint expertes, quorum gratia sibi alimenta assimilari possint, sed extenduntur, ut testatur Gal. 2. de temp. cap. 5. *Per nouam appositionem fuliginosorum excrementorum, quæ in illa parte aliud supra aliud impacta tempore complicantur, & coniunguntur:* Quare cum verè animata non sint, neque etiam verè partes erunt?

De denti-  
bus.

32 Dubitatur adhuc de dentibus, nam cum sæpè doleant inferri posse videtur ergo sunt animari, cum dolore affici nequeat, quod anima expertis sit, se h facile respondetur, nam dentium dolor non accidit eo quia ipsimet ex sua natura doleant, sed ratione neruorum, quæ ad illorum radices dispersi sunt.

De medul-  
la.

33 Ex medullis verò (spinali excepta, nam de hac non est nostra loquutio) nulla est, quæ verè partis nomen mereatur. Cum Arist. 2. de Partibus Animal. cap. 6. apertissimis verbis demonstret, *Medullam esse alimenti sanguinei, quod in ossa distribuitur coctum alimentum*, ex quo patet, siue alimentum, siue excrementum hanc esse dicamus, nec comuni vitæ frui posse, neque corporis vere partem nuncupari?

De adipe.

34 De Adipe verò omnem difficultatem tollit Gal. 2. de temp. ubi inquit ipse, *Adieps nil aliud esse videtur, quam pinguior sanguinis pars emenis exsudans magis concoctus, & membranarum frigidityte densatus.* Hæc pro diluendis difficultatibus

ficultatibus sufficiant, quæ de improprijs partibus similaribus dictis occurrere poterant: De illis verò membris quæ perfectè similaria sunt, cum nulla prorsus sit difficultas, & apud omnes ferè in confesso sit nequè plura, nequè pauciora esse. Quam à nobis antea enumerata, ideo ijs sic habitis ad Heterogeneas partes me conuerto?

- 35 Quæ quidem cum innumerens ferè esse videantur, sola earum definitione, seu potius descriptione contenti erimus, ut hæc ab illis secernere valeamus, nam reliquæ omnes partes præter enumeratas, corpus humanum integrantes, dissimilares sunt, quas omnes *Anamedmeres*, seu *ethereogeneas* Gal. 7. Met. med. vocat, quia earundem totius, & partis non est vnica ratio, & ex partibus diuersæ rationis conflactæ sunt, veluti est, Manus, Pes, Caput, & similia, quæ omnes, hac etiam ratione à similaribus differunt, quoniam dissimilarium actiones nobis sensibilibus notæ sunt, similarium verò non ita patens. Sed ad Humores iam properemus?

- 36 De Humoribus ergo, ut institutum seruemus, hæc erunt à nobis præcipuè indaganda, quid scilicet nomine humoris intelligamus, quot, quinam illi sint, & quæ eorum propriæ dotes. Humores itaque dicimus esse humiditas substantias ex eorum, quibus vescimur, & potulentorum mixtione genitas, ut illud quod in corpore perditur per ipsos humores reficiatur, ex quibus constamus, nos, & quotidie nutrimur?

*De humoribus.*

- 37 Hi numero 4. sunt sanguis nimirum Pituita, Bilis, & Melanconia: Qui omnes in qualibet ætate, ac omni tempore in nomine sunt, licet alijs temporibus vberius, alijs verò parcius in corpore dominatum teneant, & omnes in Hepate gigniuntur ex chilo, per Meseraicas vānas ad ipsum delato, & beneficio caloris ventriculi præparato, sola materiz, & coctiones varietate distincti; nam quæ pars chili temperatior est in sanguinem ab Hepate vertitur, quæ modum ubique excedit, Flaua bilis fit, quæ verò mediocritatem non attingit pituita, quæ tandem ex coctione subsecutur melanconia nuncupatur?

*Humores in humano corpore quot numero sint.*

- 38 Et ad hoc ut ijsdemmet corpus rectè nutriri possit, oportet ipsos ritè esse comparatos in substantia, qualitate &



eo, & mixtione, quandoquidem certos in his omnibus limites habeant, quos si utraq;e, citraque consistant, morbos denique pariunt?

**De sanguine.**

39. Et inter humores sanguis principatum obtinet, qui sanguis duobus modis intelligi potest, prius pro illo aggregato ex quatuor humoribus, quod in venis continetur, & ex quo vniuersum corpus nutritur, & alitur, deinde verò sumitur sanguis, pro puro illo, & sincero humore ab alijs omnibus seinctus?

40. Est autem sanguis hic calidus, & humidus ex ipsius chili temperationi parte proueniens, quem bifariam rursus subdividere oportet in naturalem, scilicet: & non naturalem?

41. Naturalis dicitur, quia medioeris substantia est, rubido colore, malo carens odore, sapore dulci, micis, atque benignus existens?

42. Non naturalis verò est quia ab isto degenerat, & hoc bifariam contingere potest, vel sui scilicet, vel ratione alterius, ratione sui dum mutatur propria substantia, & hac dupliciter, vel quia nimis crassa, aut nimis tenuis sit, vel quia aduritur, & sic pars tenuior in flauam bilem vertitur, crassior in atram, ratione alterius sanguinem à propria natura degenerare cernimus, cum alius humor illi permiscetur, & tunc vario quoque modo contingere potest, prout variz bilis species, & pituita, vel melancholia, ipsi sanguini admiscetur?

**De Pituita.**

43. Pituita quoque, & ipsa bipartitur in naturalem scilicet, & non naturalem, naturalis est humor frigidus, & humidus, substantia crudus, colore ad albedinem vergens, sapore interdum dulcis, & quandoque omni qualitate expers?

Non naturalis verò Pituita est, quæ à propria natura recedit, & id bifariam contingit, per se scilicet, & per admixtionem, per se cum à propria substantia egreditur, & in aliam nempe flatuosam, vel aquosam, vel admodum tenuem conuertitur, & pituita aquosa, flatuosa, & tenuis nunc patet: per admixtionem verò fit præternaturalis, cum illi alius humor permiscetur, nam sanguine admixto dulcis efficitur, si flaua bile amara redditur, si eandem melancholia

lancolia, acida, quæ per frigiditatis intensiorem vitrea  
etiã redditur?

1X

44 Bilis partitionem eandem patitur, est enim naturalis, &  
non naturalis: naturalis substantia tenuissima, ac omnium  
humorum letissimã est, flauis coloris, & amari saporis?

*De Bile,*

45 Non naturalis verò adhuc multisariè subdividitur, &  
à colorũ varietate, quibus insignitur, diuersa nominata, &  
plurès tandem non naturalis bilis species constituantur,  
Adusta scilicet, Vitellina, Pouacea, Lugmosa, Curina, tan-  
dem, & Crocea?

46 Melancolia lenique tripartitur in alimentariam scilicet,  
superuacaneam naturalem, & superuacaneam præter na-  
turam?

*De Melā  
colia.*

47 Et alimentariam dicimus esse quartam sanguinis par-  
tem, ad nutriendum aptam, non qualitatibus frigidam, &  
siccam quantum humoris indoles ferre potest?

48 Superuacaneam naturalis est crassior illa ex sanguinis,  
quæ à liene proleclatur, & quamplurimos vsus corpori no-  
stro præbet?

49 Alia verò præternaturalis superuacanea bilis atra dici  
solet, cuius duæ præcipue species sunt; Prima etenim est  
cum melancolicus humor, naturalis dictus, in sua propria  
substantia adurit, & exquisitè nigra, & acida dicitur,  
secunda verò species ex adustione sui, vel aliorum humo-  
rum gignitur, & atra nuncupatur, licet ex Auic. sententia  
pituita adusta potius gipsea fiat?

50 Tandem se se offerunt spiritus, ac quia aliquando per spi-  
ritus intelligere solemus aerem, ventos, flatus, & alia huius-  
modi, quæ ad corporis nostri substantiam non perti-  
nent, ideo sciendum est nos de illo spirituum genere loqui,  
quod reliquam corporis nostri substantiam complet, &  
impetum faciens à Gal. nuncupari solet?

*De Spi-  
ritibus.*

51 Quem spiritum dicimus esse subtilem substantiam ae-  
ream, ac dilucidam ex tenuissima sanguinis parte produ-  
ctam, ut deferatur virtus à partibus principatum ob-  
tinentibus ad reliquas quod actiones propria ipse edere  
possint?

52 Est autem spiritus hic triplex in corpore nostro, Ani-



malis scilicet vitalis, & naturalis?

33 Ex quibus Animalis quidem in ipso cerebro situs est, ibidem ex sinistro cordis ventriculo delatus, ut iterum excoctus, & satis abundè rursus elaboratus, per nervos in uniuersum corpus dilatari posset ad sensum, & motum perficiendum: nec Animalis dicitur, quia verè animæ substantia, sed potius instrumentum sit, ita dictum eò quod solis animalibus insit, non plantis, nam quemadmodum nos docet Aristot. 4. de Anima, *Animal ob sensum primò tale est*, quæ enim sensum habent non solum viuunt, sed Animalia sunt?

34 Vitalis postea spiritus in corde residet, ac ibidem gignitur, ex illa naturalis spiritus portione, quæ in corde per venam inuehitur, & hinc postea seruens redditus, & in aeris ferè naturam versus, per arterias denique funditur ad ipsum calorem implantatum reficiendum, & Animalium denique vitam conseruandam?

35 Tertius tandem spiritus naturalis dictus in venis, & iecore: modo aliquis sit spiritus naturalis, continetur, gigniturq; ista spiritus ex illa magis aerea, & vaporosa sanguinis parte, ex ipso exalante, dum in Hepate coctionem acquirit. His de medico subiecto consideratis, ad ipsam medicam facultatem, ne ab instituto recedere videamur, deueniamus?

36 Quæ cum multifarie diuidatur, nos breuitati consulentes in quinque tantum partes hanc ipsam secabimus, quarum prima *ὁμιολογία*, idest rerum naturæ contemplatio, dicitur. Secunda *παθολογία*, idest causarum, & effectuum consideratio, Tertia tandem *ὑγιάνη*. Hoc est saniratis tuendæ ratio Quarta *προγνωστική*, idest signorum observatio, Quinta tandem, & vltima *διαγνωστική*, quod est ipse medendi modus?

37 At quia de *διαγνωστική* tantum pertractare intendimus, idè alijs omnibus demissis hanc ipsam aggrediemur?

38 Quam quidem tres rursus habere partes, tribusquè instrumentis procedere affirmamus, Dieta nimirum, Chirurgia, & Pharmacia?

*Medica  
facultas  
diuisa,*

*De Dieta  
& eiusdem  
indicationibus,  
& speciebus.*

59 Quorum primam à ratione morbi, viribus egrotantium, & à particularibus accessioneibus præcipuè petendam esse putamus: At cum victus multiplex sit, tripliciter hunc ipsam diuidimus; in plenum scilicet, mediocrem, & tenuem, ex quibus, plenus vires conseruat, & augeat, mediocris conseruat, sed non augeat, tenuis tandem non amplius vires conseruat, sed imminuit?

60 Et in vnoquoque istorum victuum genere instituendo, maximam dicimus esse habendam rationem Bonitatis, ordinis, Temporis, Horæ, ac deniquè ætatis, ne igitur circa victus rationem errata contingant, vnumquodq; istorum singillatim perscrutabimur?

61 Ac primum dicimus, quicumque à morbis se præcauere cupit, eum de ciborum bonitate quam maximè studere debere, eum ad morbos gignendos plurimum virium Cacoehimia habeat, quæ profectò non aliunde magis quam ex mali, & vitiosi succi, alimentis depræhenditur verum cum id satis non sit, vt aliquis in sanitate diutius seruetur, proinde danda illi opera est, vt nunquam plusquam natura exigit, ingerat, nam vbi cibus plusquam par sit ingestus est, hic vt ait Hip. 2. Aph. 17. morbum gignit?

Eadem methodus, & ordo non solum in sanis Hominibus præseruandis, sed & in ægris quoque curandis seruanda venit, nam aliam victus rationem morbus acutus, ac celer aliam diuturnus exigit?

62 Præterea cibi etiam qualitas tam in his, quam in illis est accuratè expendenda, sanis enim simili non contraria qualitate prædicti, cibi sunt assumendi, Aëgris verò aduersa potius qualitate donata, cibaria sunt exhibenda; cum sanorum temperamentum similibus sit conseruandum, egrorum verò contrarijs potius demoliendum?

63 Ac proinde humidum cibum præcipuè conuenire dicimus ijs quorum temperamentum, natura est humidum, vt Pueri sunt, aut qui sicco aliquo morbo infestantur, veluti sunt febricitantes, & ideo optima ratione ab Hip. 1. Aph. 16. dictum fuit. Humidum victum febricitantibus omnibus conuenire, maximè verò Pueris, & qui tali victu uti consueverunt.

64 Adhuc

*Consuetudo, & delectatio in cibis plurimi faciunda.*

64 Adhuc ad exactam victus rationem instituendam consuetudo, & delectatio accedunt, quandoquidem (ut à veteribus habemus) consuetudo sit altera natura, & ob id quæ consueta sunt minus nocere, videntur vnde merito Hip. 2. Aph. restatum requirit. Quæ ex longo tempore consueta sunt, & si deteriora sint insuetis, tamen minus molestant solent?

65 Quare maximopere animaduertendum esse arbitramur, ne inconsulto Aeger à consuetis cibis, & portionibus auertatur; & si quandoq; ie urgente necessitate ad insueta sit transeundum, id non subito, sed paulatim faciendum esse putamus, nam ut ait Hip. 6. Epidem. Part. 2. 1. *Repentinae mutationes vitanda sunt?*

66 Neque est etiam negligendum, sed exacte perscrutandum quibus præcipue cibis delectetur: Aeger, nam suavioribus, etiam si deteriori aliquo pacto sit, semper meliori, & minus suauiori est præferendus, cum ea, quæ cum voluptate assumuntur, Venterculus facilius amplectatur, & concoquat, contra verò ea quæ displicent, refugiat?

*Ordo in cibis assumendis seruandis.*

67 Ac denique animaduersione dignum est, ne præpostero ordine cibi ingerantur, sed ea alimenta, quæ sunt concoctiora, & tenuiora, ijs quæ difficulter concoquantur, & crassiora sunt præmittantur, cum ea quæ citius concoquuntur, ita citius quoque descendant, & reliquorum descensui viam sternere videntur, hoc ratum firmiterque nobis est; nam si contrarium fieret tenuiora alimenta, quæ ultimo loco assumerentur, ubi primum essent perfectè cocta, interclusa via descensus à crassioribus, ob nimiam in ventriculo moram, ibidem corrumperebantur, & sic corrupta reliqua corrumperebant, & tota tandem coctio vitaretur, & hanc sententiam confirmat Gall. 2. de alimentorum facultatibus cap. 2. talia verba proferens, *Sattius enim fue it ex cibis, qui subducuntur posteriore quidem summandos, qui tarde permeant, omnia autem primos qui celeriter?*

*Paria cibandi ratio penne is diuersa anni tempora.*

68 Ac consideratione quoque dignum est in cibi, potusq; ratione perscribenda Anni tempus, quandoquidem uno modo Vere, alio Autumno, & alio quoque Aestate, & Hieme cibare conueniat?

69 Plurimum cibi Hieme, & vere, quam Aestate, & Autumno sandum esse putamus, quod sensisse videtur. Hip. 1. Aph. 15. ubi inquit *Ventres hieme, & vere nasura calidissimi, & somni longissimi, quare per ea tempora alimenta copiosiora sunt exhibenda*, calor enim innatus tunc plurimus est, unde & pluribus eget, alimentis?

70 Ac denique quemadmodum de anni tempore, ita etiam de aetate est habenda ratio, siquidem Pueris humida semper victus ratio debetur, nam illorum corpora exiccanda non sunt, quia ne crescerent prohiberetur; sed de hoc suffius docet nos Hip. 2. Aph. 13. inquit, *Senes facillime ieiunium ferunt, secundo loco qui etatem consistentem habent minus Adolescentes, omniumque minimum Pueri praesertim qui inter ipsos sunt viridiores?*

71 Haec denique explicatis, quae ad victus rationem probe insitruendam necessaria fore putauimus, iam ductus artis, eos nos trahit; ut de ijs dicamus, quae ad Chirurgiam, & Pharmaciam pertinere videntur: & quia in Chirurgia, praestantiora, atque magis praesentanea auxilia, quam Medicis hac etate usui veniant reconduntur, & dilatescunt, ideo de remedijs ad hanc ipsam spectantibus prius dicemus?

72 Quibus omnibus maior, certior, ac tutior sanguinis missio est?

At quia huiusmodi praesidium si recte administreretur, ut plurimam salutem praestare, ac morbos fere iugulare videtur: sin minus perperam, & grauiora symptomata, quinimo & mortem, sepe inferre solet; non ab re igitur erit de eodem quaerere, a quibusnam indicetur, qua in regione plus minusue conficiat, quo tempore, qua hora, & qua etate magis conuenire videatur?

73 Quod ergo ad primum attinet, venae sectionem indicari, & scopos mittendi sanguinem proprios, & adequatos esse asserimus morbum magnum, ortum à plenitudine, virium robore, & etate; Quod autem requiratur plenitudo ad mittendum sanguinem, & ratione, & authoritatibus comprobatur, nam iudicatio euacuandi in genere

*De sanguinis missione.*

*Vena sectionis à quibus propriè indicatur.*

genere desumitur, repletio verò in specie indicat euacuationem in specie, vt si bilis redundet, debet euacuari bilis; si sanguis debet sanguis euacuari, & sic de reliquis, ergo sanguinis euacuatio conuenit morbis ex plenitudine: Confirmatur hoc Gal. testimonio 4. de tuenda valitudine vbi inquit. *Si lassitudo non cedat debilibus auxilijs, tunc cogitandum est de valentiori remedio, adhibita modo distinctione vtrum magis conueniat vti Pharmaco, vel vena sectione, & ait differendum esse, nam si peccarit sanguis, sanguis euacuandus, sin alius humor, purgatio adhibenda:* Et rursus lib. de constitutione artis Medicæ idem asserere videtur inquit, quod. *Quoties aliquid superfluum in corpore est, illud tale est euacuandum, adhibita tamen distinctione an quantum, an quale sit,* Et seipsum declarat, quid per quantum, vel quale intelligat, nam si fuerit inquit ipse sanguis, sectione venæ est euacuandus, si vtiq; bilis, vel pituita, Pharmaco vti debemus. Et quia plenitudo alijs etiam remedijs quandoq; tolli potest, vt per exercitium, per balnea, per frictions, per inestiam, & aliâ id genus: ideo vt proprie indicetur sanguinis missio, necesse est quod morbus sit magnus, vnde opus sit cæleri, & magno remedio vti, quemadmodum venæ sectio est. Et quoniam remedium non solum debet indicari sed etiam tolerari ideo animaduersione dignum est, num indicatam sanguinis missionem, ætas & virtus ferre possint?

*Vena sectionē tolerancia, et contra indicat.*

74 Dereliquis verò, & in primis de regione, plurimi esse faciendam putamus in ea impensè frigida, vel calida fuerit, cum istarum nulla largam euacuationem sustineat, hæc quidem, quia corpus, supramodum detrahit cum sanguine calore nativo, refrigeret, antea satis à larga sanguinis missione refrigerato, illa verò, quia sua caliditate vires dissoluat, atq; discutiat?

Eadem quoque ratione tempus æstiuum atque Hibernum venę secandæ minus tutum esse putamus. Sed accommodatissimum esse veris initium, cum satis abundè moderatum sit, neque minus scilicet calidum, neque supramodum frigidum, & huic sententię assentire videtur Hip.

7. Aph.

Aph. 34. inquit, *Quibus à venis sanguinem mittere confert, verè venam secare oportet, & Gal. l.b. de curand ratione per sang. miss. ubi se multos podagricos, & alijs morbis obnoxios sanguinis missione veris principio facta, curasse tradit?*

75 De Horà verò diei in qua magis hoc præsidium conueniat, martutinam horam quammaximè laudamus, sic tamen, vt non protinus excitis à sòmno, sed horam vnã iam antea vigilanteibus vena secetur?

76 Quibus verò, & qua ætate ex dictis faciliè elici potest, nam Pueris vsque ad decimaquarta ætatis annum sanguis detrahendus non est, quemadmodum, & senibus post septuagesimum, quandoquidem istorum vires, vt plurimum parum validæ sint, & sanguine non admodum abundant?

77 Si verò in hac ætate constituti multi sanguinis fuerint, viresq; robustas habuerint, si ita morbus iubeat, ijs quòquè venam secari posse arbitramur?

78 Tertium denique, & postremum instrumentum, quo ipsa curatiua Methodus penitus absoluitur, Purgatio dicitur: Quam quidem nil aliud esse asserimus, quam humorum, qualitate peccantium euacuationem, atque ob id, purgationem fuisse nuncupatam, quia ipsum sanguinem ab excrementis, purgare videatur, comparato artificio ad imitationem naturæ per loca legibus naturæ consentanea, neq; ex euentu dissentanea?

79 Nec vllo pacto sanis Hominibus ex Gal. mente in lib. quos, & quales purgare oporteat, [conuenire videtur; nam vt ipse testatur ibidem. *Qui sano corpore sunt si purgentur molestias sentiunt, nam & vertigines, & terminantur* patiuntur, agreque purgatio succedit, & cum hoc etiam celeriter ex soluantur. Causa horum omnium medicamentum est, quod cum sibi obnoxium humorem educere cupiat nec id ipsum inueniat, sanguinem deniquè, & carnes colliquat, vt ex eis quod suum est eliciat?

80 Neque ægris omnibus etiam si propriæ ad sint indicationes, hoc præsidium perpetuò conuenit, nam quicumq; multis cruditatibus laborant, & quibus Hypochondria

C extenta

De purgatione.

Purgatio sanis hominibus molesta.



*Aegri  
qui sint  
ad purga  
tione in  
epti.*

*Animad  
versiones  
ante pur  
gationes.*

*Cruda exi  
stente ma  
teria cur  
nō sit pur  
ganda.*

extenta, atq; inflata fuerint, aut aliqua viscerum aderit inflammation: Hos omnes ad purgationem esse ineptos, aut saltem hanc ipsam difficilius ferre arbitramur?

81 Ac rursus quibus ægris purganti Pharmaco uti est opus, non illicidè, & inconsultò ad purgationem est deveniendum, sed hæc omnia sunt prius exactissimè perscrutanda: Primo num materia educenda sit parata, atque disposita ad purgationem, ne scilicet purgatio violenta fiat, sed sine offensione partium placidè, inoffensq; cursu humor ad exclusionem feratur, utq; naturæ expellenti, & remedio traente cœdat: Secundo an meatus, per quos humorum purgatio fieri debet, fuerint aperti: Tertio tandem consideratione dignum est, num adsit virium robur?

82 Nam quo ad primum materia educenda bifariam potest esse ad purgationem inæpta: Primo si materia quæ debet euacuari non sit concocta: Secundo si sit nimis viscida, etiam crassa: Cruda enim existente materia, & extra turgentiam nunquam esse purgandum arbitramur, hac vna præcipuè ratione ducti, quod scilicet retinente natura euacuationi, ipsa euacuatio bene succedere non potest, sed cum humores non sunt concocti, ut ex Hip. & Gal. doctrina habemus, retinentur à natura donec concoquantur, ergo humoribus crudis existentibus bona euacuatio succedere non potest, quinimò ratione consonum videtur, ut similia istis accendant symptomata, quæ sano Homini purgato accidere diximus, quod scilicet Pharmaco non valente extrahere proprium humorem, illic, quia non est, hic quia retinetur à natura, carnes colliquantur, vnde tormina, mordicationes, vertigines, & alia symptomata eisdem accidere mirum non est; quæ sententia ex Hip. & Gal. Testimonio firmior redditur, nam, & Hip. 1. Aph. 22. textatum reliquit, *Concocta medicari non cruda, neque in principijs nisi materia turgat: Plurima verò non surgent*, & Gal. quoque 4. de ratione victus in acutis 43. habuit *Quod corpora omnino expurgare cavendum est, apparense in succis cruditate: Quare cruda existente materia non esse purgandum nobis ratio*  
cum

tum firmumque est?

83 Quod autem crassitudo materię, & meatuum obstru-  
ctio, quam maximē faciant ad purgationem molien-  
dam, patet ratione, ex ipsa rei natura petita, siquidem  
expurgatio fit tractis succis vi medicamentorum. Sed  
reliquis paribus eò facilius, quò sunt tenuiores, tra-  
huntur, ergo ubi crassi sint succi nulli dubium, quin sine  
prius attenuandi, postea verò purgandi, confirmaturq;  
hoc Gal. autoritate desumpta ex libello quos & quan-  
do purgare oporteat, ubi de purgatione loquens inquit  
ipse: Oportet autem prius crassos humores attenuare, at-  
que etiam lentos secare, & meatus, per quos illi transu-  
muntur, aperire, & 2. Aph. 9. Hip. ait Corpora cum quis  
purgare voluerint, oportet fluida facere. Si quis enim  
inquit extenuet incidatq; crassos humores, qui in cor-  
pore sunt, & meatus aperiat, rectē in omnibus purgatio  
procedit?

*Crassi hu-  
mores pri-  
us esse at-  
tenuandos  
deinde  
purgan-  
dos.*

84 Quapropter crassos, & lentos humores decoctis, si-  
mpis in hoc paratis incidendos, & extenuandos esse, an-  
te purgationem censemus, atq; Corpus laxius, ac  
mollius, balneis cibis humectantibus, & attenuanti-  
bus esse reddendum?

85 Quod de viribus nulli dubium est, quod in Pharmaco  
exhibendo agri vires sint exacte perscrutandę, cum ex  
Gal. sententia affectus præter naturam exposcat auxilia  
medica, virtus verò nisi exposcit, saltem permittit,  
itaque exposcit morbus speciem auxilij sanguinis scilicet  
missionem, aut purgationem, vel aliquid aliud, vir-  
tus verò remedium tantummodo quæritatem defi-  
nit, quoniam pro modo virtutis plus, aut minus validis  
ei remedijs utimur.

86 His examinatis, ut purgatio rectē procedat est adhuc  
summo opere animaduertendum, quid, quantum, quando,  
quomodo sit purgandum?

87 Quod de primo apud omnes in confesso est, quod ubi  
quis humorum euacuationem moliri velit, eos dumtaxat  
educere debet, qui corpori molestiam asserre viden-  
tur, ut si exempli gratiam Pituira corpus infestet, hanc

*Quid sit  
purgan-  
dum.*

C 2 ipsam



ipsam euacuare oportet, si verò flaua, vel atra bilis molester, abstinendum à pituita, & bilis infestans educenda, & sic de reliquis?

*Quantū.*

88 De dosi verò medicamenti, hoc est quanto Pharmaco vsi opus sit, & qua humorum copia sit euacuanda, cum id calamò scribi nullo pacto possit, hoc dicimus precipuè indicari à superabundante humore, & ab illius viribus, & consuetudine eius, qui debet euacuari, idque confirmatur Gal. testimonio 1. Aph. com. 24. vbi habet?

89 Considerare autem oportet numquid eger idoneè se habeat ad purgationem, & rursus 1. Aph. com. 3. in omni euacuatione vires ægroti oportet attendere, & donec laborans tolerat humorem exuberantem ducere, cum verò vires dissoluantur, etiam si remaneant superfluitates cauere oportet earum euacuationem?

*Quò tem-  
pore pra-  
cipuè sit  
purgandū.*

90 Copia euacuationis sic deprehensa, reliquum nunc est, videre, quo nam tempore precipuè sit purgandum cum non minus consideratione dignum sit præsens anni tempus in venæsectione, ac in purgatione facienda: Et idcò dicimus nos hiberno tempore, in quo frigus immodicam existit, aut æstiuo, in quo solis immensus æstus corpora affligit purgantibus medicamentis, & precipuè validis nullo pacto esse vtendum?

91 Sed accomodatissimum tempus ad purgationem molliendam Vernum esse dicimus, cum omnis excessus in medio consistat, quod quidam ab Hip. 6. Aph. his verbis confirmatur? *Quibus purgatio cum medicamento conuenit, Hos verè purgare oportet?*

92 Quomodo sit denique purgandum, seu per inferiora scilicet, vel per superiora, id potissimum percipi poterit ab ægrotantium natura, & consuetudine nam, qui in sueti sunt, & qui difficiliter se habent ad uomitionem non sunt cogendi, sed potius per inferiora purgandi; ac idem nos docere videtur Hip. 4. Aph. talia verba proferens; *Graciles, & faciliè vomentes purgare superius conuenit vomentes verò difficulter, & mediocriter bene carnosos per inferiora.*

FINIS.

*Disputabuntur publicè P I S I S in Scola  
Magna Sapientia Verissimo, & strictis-  
simo seruato disputandi more. Anno  
D. M. D. CXVII. Mense  
Die Hora*

**ARGVENTES ERVNT.**

- D. Dionisius de Dionisijs Verecellensis.
- D. Bartolomeus Clericeus Aretinus.
- D. Gellus de Gellis Miniatenfis.
- D. Thommas Vghetius Collensis.

**ET CÆTERI QUI VELINT.**





FLORENTIAE,

---

Apud Cosmum Iuntam, Superiorum  
permissu. 1617.



TEORETICAL

1852.  
 The following is a list of the names of the persons who have been elected to the office of Justice of the Peace for the year 1852.

• ५२१ •

1209-7

22 95047











MC

